

Juulip, 2013

SHELL GREENLAND

2013-IMI BAFFINIP KANGERLIUMARNGANI

SUMI IFFINNI MISISSUINERIT IMMIKKOORTOQ 5-

IMI (ANU), 6-IMI (PITU) AAMMA 8-MI (NAPU)

VVM-IUGALLARTOQ TEKNIKKIMUT

TUNNGASUUNNGITSUMIK EQIKKAANEQ


SULIASSATUT SIUNNIUSSAQ ILLASSUSIGAQ

**2013-IMI BAFFINIP KANGERLIUMARNGANI
SUMI IFFINNI MI SISSUINERIT IMMIKKOORTOQ 5-IMI
(ANU), 6-IMI (PITU) AAMMA 8-MI (NAPU)**

Date **02/07/13**

1. ALLAQQAASIUT

Shell Greenland A/S sumiiffinni Baffinip Kangerliumarnani, Kalaallit Nunaanni, akuersissuteqarfiusuni 5-imi (Anu) aamma 8-mi (Napu) ingerlatsisuuvoq. Akuersissuteqarfik taassuma sanianiittoq 6 (Pitu) Capricornimit ingerlanneqarpoq.



Takussutissiaq 1-1 Sumiiffiit akuersissuteqarfiusut Anu (Block 5) aamma Napu (Block 8) Baffinip Kangerliumarnangani, Kalaallit Nunaat.

Ukiut kingullit marluk ingerlaneranni akuersissut atorlugu misissuinerit qassiit ingerlanneqarsimapput, ukiorlu manna Shell akuersissuteqarfinni 5 aamma 8-mi qilleriffiusinnaasunik misissuiniarluni pilersaarpoq, kiisalu akuersissuteqarfimmi 6-imi immap naqqata qatsissortaata sananeqaataanik misissuiffiusinnaasuni sajuppillatsitsisarluni misissuissalluni.

Kalaallit Nunaanni Aatsitassat pillugit Inatsimmi misissuinerit tunngassuteqartuni piumasaqaataavoq Avatangiisinut Sunniutaasinnaasut Pillugit Misissuinerimik (VVM) nassiussisoqarnissaa. VVM-ip siunertaa tassaavoq sumiiffinni misissuininnaasut pilersaarutaasuni avatangiisinut sunniutaasinnaasut suussusersissallugit nalilersussallugillu aammattaq sunniutaasinnaajunnartut pinaveersartinnissaannut kiisalu annikillissarnissaannut qanoq iliuitsit naleqquttut suussusersissallugit.


Nalunaarusiap matuma imaraa 2013-imi juulimiit oktobarimut misissuinnissamut pilersaarutigineqartup Avatangiisinut Sunniutaasinnaasunik Nalilersuigallannerup (VVM)

eqikkarnera. Tamanik tusarniaanerit ingerlanneqareerpata VVM inaarutaasoq saqqummersinneqarumaarpoq. Avatangiisinut Sunniutaasinnaasunik Nalilersuigallarneq nutarterneqarumaarpoq tusarniaanerni akissutaasimasut ersersinniarlugit, VVM-ilu inaarutaasoq tunniunneqarumaarluni.

2. SULINIUTIP NASSUI ARNEQARNERA

Sumiiffimmi misissuinissamut pilersaarutigineqartumut ilaapput sajuppillatsitsilluni misissuineq aamma avatangiisit aallaaviusut misissornerat. Sumiiffimmi misissuinissaq pilersaarutigineqartup anguniagai tassaapput nunap iluani ajutoorfiusinnaasut nalilersussallugit, soorlu tamaani ikkattumi gasseqarfeqarnera, aammattaaq sumiiffiit qilleriffiusinnaasutut ilimanaateqartut eqqaat tigussaasutigit, kemiskiusutigit aamma uumassuseqartutigit pissusii paasisaqarfigissallugit.


Misissuinerit sumiiffissaat qassiopriarnissaallu massakkut suli aalajangerneqarsimangilaq. Taamaattorli misiligummik qilleriffiusinnaasut pingasut iluanni qulit tikillugit misissuisoqassaaq, taakkunanngalu sisamat tikillugit amerlassusillit immap naqqata qatsissortaata sananeqaataanik misissuiffiusuniissallutik. 2013-imi sumiiffinni misissuiffiusussat sumiissusii misissuiffissat Takussutissiaq 2-1-imi takutinneqartut iluiniissapput, 500-800 meterisut itissusilimmi, takuuk Takussutissiaq 2-1.



Takussutissiaq 2-1 Akuersissuteqarfiusut marluk sumiinneri 2013-imi sumiiffinni misissuiffissani sumiissutsit siunnersuutigineqartut.

Sumiiffimmi misissuinerup nalaani umiarsuaq ataaseq atorneqassasoq naatsorsuutigineqarpoq. Inuttanik taarsiineq, orsersorneq aamma peqqumaatinik pissarseqqittarneq pisariaqarneratigut ingerlanneqartassapput. Eqqagassat aamma imermik errortuutikumik aniatitsinerit tamarmik Kalaallit Nunaanni nunallu tamalaat akornanni malittarisassianut naapertuuttumik pineqassapput.

Sajuppillatsitsisarlungi misissuinerumi silaannarmik naqitamik seqqortartoq atorlugu nipimik ammut ingerlasumik pilersitsissaaq, taannalu immap naqqata qalipaa akimorlugu ingerlassaaq. Qaarsut, erngit aamma ikummatissat ikiariissitaarnerat nipi una annikitsumik frekvensilik assigiinngitsumik akisuatittarpaat. Akisuanerit taakku umiarsuup kalitaanit immiunneqartarput aamarsuillu brintiannik peqarpat takusinnaallugu aamma sumiissusersisinnaallugu. Misissuinerumi aamma akisuatitsissut immap itissusianik uuttuisussaq atorneqassaaq. Sajuppillatsitsilluni misissuinermik aqqissuussineq atorneqakkajuttoq Takussutissiaq 2-2-mi saqqummiunneqarpoq.



Takussutissiaq 2-2 2D Sajuppillatsitsilluni misissuinermik aqqissuussineq atorneqakkajuttoq

Avatangiisinik Pissutsinik Atuuttunik Misissuinerumi (EBS) immap naqqata sannaa, immap itissusia aamma immap naqqani uumasooqassusia misissorneqassapput sakkut elektroniskiusut atorlugit (sonari saneraaniit skannerisartoq aamma akisuatitsissut), immap iluani assillissut aamma immap naqqaniit misissugassanik tiguisarnikkut.

Sumiiffimmi misissuinerup ilaatut puttaqutit assigiinngitsut marluk inissinneqarallassapput. Silap immallu pissusaannut puttaqutit paasissutissanik silasiornermut tunngasunik (ass. anori, issi) imarpiullu pissusaanut tunngasunik (ass. mallit, sarfat), taavalu puttaqutit llatsiinnartumik Nipinik Alapernaarsuisut immap iluani mikrofonitallit sajuppillatsitsilluni misissuinermiit immakkut nipiliorneq immiutissavaat miluumasullu imarmiut nipaap (ass. arferit) akuersissuteqarfiusuni miluumasut imarmiut najuuttarnerat pillugu paasissutissanik amerlanerusunik pissarsiniarluni.

Sumiiffinni misissuinessaq siunnersuutigineqarpoq piffissami 15. juuli aamma 15. oktober 2013 akornanni ingerlanneqarnissaa imaluunniit silap pissusiata/sikoqassusiata killiliinissaasa tungaannut. Taamaattorli sajuppillatsitsissutinik seqqortoqassanngilaq 1. aggusti 2013 sioqqullugu.

Immap Miluumasuunik Timmiaanillu Alapernaarsuisut (MMSO-t) umiarsuarni ilaassapput marlunnillu suliaasaqarlutik:

- Aallartinnginnermi aamma sajupillatsitsisarlu misissuinerup ingerlanneqarnerani imaani uumasunik miluumasuunik sukumiisumik alapernaarsuineq, arfernut aamma puisinut annikillisaanissaq aamma isumannaatsumik ungasissuseqarnissaq qulakkeerniarlugit.
- Imaani timmissanik uumasunillu miluumasuunik qanoq peqartiginera aamma taakku agguataarnerannik sukumiisumik misissuinissaq. Suliaasaq tamanna sajupillatsitsisarlu misissuinerit ingerlatinneqarneranni aamma umiarsuit ingerlaarneranni pisassaaq.

Misissuinerit ingerlanneqarnerini isikkivilutsillugu nipinik tusarnaarut atorneqartassaaq (AMAR) tamatumani uppernarsiniarlugu imaani miluumasuunik peqarnersoq aamma sumiinnerisut.

Sajupillatsitsilluni misissuinissaq 2013-imut siunnersuutigineqartoq 2012-imi sajupillatsitsilluni misissuisimanermit assut mikineruvoq, areali misissugassaaq eqqarsaatigalugu, seqqortaapig agissusia aamma nipit pinngortinneqartut sakkortussusii eqqarsaatigalugit.

2013-imi misissuinissamut siunnersuutaasumut kisitsisit pingaarnerit ingammik sajupillatsitsilluni suliaqarnernut tunngatillugit Nalunaarsuiffik 2 -1-imi saqqummiunneqarput 2012-imilu sumiiffinni taakkunani misissuisimanerit sanilliunneqarlutik.

Nalunaarsuiffik 2-1 2012-imi aamma 2013-imi misissuinerit pillugit kisitsisit pingaarnerit

	2012	2013
Sumiiffik sajupillatsitsilluni misissuiffiusoq	~ 7,200 km ²	~ 80 km ²
Sajupillatsitsilluni suliaqarnerit sivirususiat	~ 75 ullut	~ 10 ullut
Angallatit qassiuneri	2 sajupp. (+ 5 angall. ikiuisut)	1
Silaannaap naqitsiner. aallart. siulerii. angissu.	2 x 3.480 tommit ³	1 x 140 tommit ³

3. SUNNIUTAASINNAASUNIK NALILERSUINEQ

Maannakkut pissutsit nassuiarnerat tunngavigalugu avatangiisinik sunniutaasinnaasunik nalilersuineq ingerlanneqarsimavoq. Sunniutaasinnaasut misissuinerit attuumassuteqartut suussusineqarput pissusiilu sakkortussusiilu nalilersorneqarlutik. Sunniutaasinnaasunik annikinnerulersitsisinnasut nassuiarneqarput sunniullu sinneruttoq (t.i. annikinnerulersitsisusiat atulereernerisigut) nalilerneqarluni.


Avatangiisinut sunniutaasinnaasunik naliliinnermi (VVM) sumiiffimmut misissuiffissatut pilersaarutaasumut attuumassuteqartut avatangiisit pissusiinut, akuinut, uumasooqassusianut tunngasut sammeneqarput. Uuttuutini tamani maanna pissutsit qanoq innersut nassuiarneqaaqqartarput. 2011-mi Baffinip Ikerani Pilersaarusiornermut Atatillugu Avatangiisit Sunnerneqarsinnaanerisa Nalilersornerat (SEIA) kingullertigut saqqummertoq, ilisimatuu nalunaarusiaat Dansk Center for Miljø og Energi-mit suliarineqarsimasooq, paasisutissarsiorfittut pingaarnerpaasimavoq, soorlu aamma Kalaallit Nunaannut Nalunaarsuiffik Aappaluttoq kiisalu imartani akuersissuteqarfiusuni misissuisimanerit paasisimasat aamma taamaattut.

Imartat akuersissuteqarfiusut sinerissamiit 55 kilometerinik avasinnerummata sinerissami suut sunnerneqarsinnaagaluartut annerusumik sunnerneqarsinnaanngitsutut naatsorsuutigineqarput. Avatangiisinut sunniutissanik naliliinnermut najoqqutassiani Aatsitassanut Ikummatissanullu Pisortaarfimmit saqqummersitami kaammattuutigineqartut avatangiisini sunnerneqarsinnaasuni uumassusillit salliutillugit misissorneqassapput uuttuutillu allat annerusumik eqikkarneqassallutik.

Sunniut pingaarneq tassaassaaq sajuppillatsitsilluni misissuinermit immap iluatigut perpalunneq tamatumalu aalisakkanut miluumasunullu qanoq sunniuteqarnera matuma ataani eqikkarneqartoq. Nalinginnaasumik suliaqarnerit nutaartaqanngitsut misissuinermut attuumassuteqartut sunniutigisinnaasaat, soorlu umiarsuit najuunnerat aamma eqqakkanik imermillu errortuutikumik passussineq, annikitsuunissaat nalilernerqarpoq.

Immap iluani nipi

Iminnassutsip ilusilersornera suliarineqarsimavoq immap iluatigut nipip aalisakkanut miluumasunullu imarmiunut sunniutigisinnaasai piukkunnartumik nalilersorsinnaajumallugit. Ilusilersuinerup inernerisa takutippaat nipimik pinngortitsisumit 1 km-isut ungasitsigisumi nipitussutsit annertoorsuarmik millisimasut, ungasilliartornerlu ilutigalugu nipitussuseq nalimmanneruleriartorluni. Iminnassutsip ilusilersornerani nipip qanoq siaruartinneqarneranut assersuutip assinga Takussutissiaq 3-1-imi takutinneqarpoq.



Takussutissiaq 3-1 Nipip siaruarneranut assersuutip assinga sumiiffiit pingasuusut ilaanni ataatsimi iminnassutsimik ilusilersuiffineqarsimasumi.

Sumiiffimmi misissuinermit perpalunneq nipit qaffasissusii ilusilersukkat aamma immap iluani aalisakkat miluumasullu imarmiut perpalunnermut pissusilersortarnerat timillu sananeqaataasigut malunnaatit pillugit piumasaqaatit tunngavigalugit nalilersorneqarsimavoq.

Sajuppillatsitsisarlungi misissuinissamut pilersaarutaasumut immap iluani nipimut attuumassuseqartumut uumasup qisuariarnera timikkut allannguuteqarnermut aamma/imaluunniit pissusilersornikkut allannguuteqarnermut tunngasuvoq.

Timikkut allannguuteqarnerit tassaasinnaapput

- Tusaasinnaassutsip ajoquserneqarnera uumasut tusaasinnaassusiisa killinganik ataavartumik allanngortoqarneranik kinguneqartoq.
- Tusillakkallarnej, uumasorlu peqqissartoreernermi kingorna peqqaataaniit tusaasinnaassutsimi killinga pigileqqissavaa

Pissusilersornikkut allannguutit annertooujussuarmik qisuariarnermiit, soorlu paatsiveerullutik imaluunniit qimaallutik, qisuariarnermut sakkukinnerusunut uumasup nipip tungaanut ingerlaarnermut imaluunniit arriitsumik qimagukkiartornermut allanngorarpot.

Aalisakkat

Itissutsimi 500 meterit missaanniittumi qaleralik pingaarnertut aalisagaavoq aalisakkallu soorlu nipisa, qeeraq, oquuttaq, eqalugaq, ammassak, uugaq, saarullik, raajat, assagiarsuit aamma kanissut assigiinngitsut, eqalussuup nuliarsui artit assigiinngitsut aammattaq takussaasarlutik.

Tilliarnernit ataasiakkaarunit sunnerneqarnerup kingunerisaanik timimut sunniutaasut aallaaviup qanittuarannguaniittunut tusillakkallarnermik taamaallaat kinguneqartarpoq. Aalisakkat akornanni pissusilersornikkut allanngornerit 59 km miss. ungasitsigisumiittunut pisinnaasarpoq.

Pissusilersornermut sunniutaasinnaasut assut siamasinnerat pissutigalugu aalisakkanut sunniutaasajuppillatsitsisarlungi misissuinermut attuumassuteqartoq ingasannngitsutut nalilerneqarpoq.

Immami uumasut miluumasut

Sumiiffinni akuersissuteqarfiusuni uumasunik ukioq kaajallallugu tamaaniittartunik ilisimasaqartoqanngilaq. Timmisartumiit alapernaarsuinerit sukumiisut, Pilersarusiornermut Atatillugu Avatangiisit Sunnerneqarsinnaanerisa Nalilersornerat aamma MMSO tunngavigalugit paasissutissat siusinnerusukkut misissuisimanerit pisut, sumiiffinni akuersissuteqarfiusuni miluumasut imarmiut artii arlallit suussusersineqarsimapput. Sumiiffimmi misissuinerup nalaani miluumasut imarmiut pingaarnertut tamaani siumorneqarsinnaassangatinneqartut tassaapput arfivik, qilalugaq qaqortoq, qilalugaq qernertaq, ussuk/taqammuaq, natseq, aaveq aamma nanoq. 2011-mi aamma 2012-imi akuersissuteqarfiusuni misissuinerit nalaanni qilalukkanik qaqortanik qernertanillu takusoqanngilaq.

Nalilersuinermit erseqqilluinnarpoq aallaavik qanittunnguusimagaanni (<100 m) timikkut sunnerneqarnerit tusillakkallarnermik taamaallaat kinguneqartarpoq. Qilalukkat qernertat, qaqortat aamma arfiviit aallaavimmiit 6 km angullugu pissusilersornermikkut qisuariarsinnaasarput, puisilli sunnerneqannginnerungarlutik, aatsaammi aallaavisoq 40 m inorlugit qanitsigigaangamikku pissusilersornermikkut qisuariaateqartarlutik.

Sivikitsumik ingerlanneqarnissaa aamma miluumasut imarmiut malussarissusiat tunngavigalugit ataatsimut isigalugu miluumasunut imarmiunut sunniutaasinnaasusaaq ingasannngitsutit nalilerneqarpoq (annikillisaasoqassanngikkaluarpat).

Sunniutaasinnaasunik annikillisaatit atorneqartussat tassaapput 1) Miluumasunik imarmiunik alapernaarsuisut sajuppillatsitsissuttip aallartinnerata nalaani aallaavissusap eqqaani (500 m miss. iluani) miluumasunik imarmiunik soqannginneranik qularnaarisussat, 2) sallaatsumik aallartikkiartorneq nipi atorneqartoq sallaatsumik sakkortusiartortillugu imaani uumasut miluumasut sumiiffimmiit qimagukkiartornissaat anguniarlugu, 3) 'Isumannaallisaanermut killiliussap' (500 m) nakkutigineqarnissaa, misissuineq kinguartinneqartassaaq uumasunik takunnittoqarpat, kiisalu 4) isikkivilutsillugu Ilatsiinnartumik Nipinik Alapernaarsuineq (umiarsuarmi) atorlugu.

Annikillisaatit taakku sisamat tamarmik tusillakkallaratarsinnaaneq kinguneqarluartumik annikillissavaat, taamaammallu sunniut sinneruttoq sajuppillatsitsilluni misissuineranut attuumassuteqartoq annikitsutut nalilerneqarpoq.

Aalisarneq

Sumiiffik misissuiffiususaaq 55 km miss. avasissuseqartumiippoq, sinerissami aalisariutit amerlasuut ornittagaannit avasinnerusumiilluni. Baffinip Kangerliumarnngani aalisartartut annermik qaleralinniartuupput, raajarniarneq annerusumik akuersissuteqarfiusut kujataanni pisarluni. Qaleralik ilumigut puttaquteqanngilaq taamalu sajuppillatsitsisararluni misissuinerneq sunnerneqaratarsinnaanera mikisunnguulluni.

Sivikitsumik ingerlanneqarnissaa, immap ilaa mikisoq aamma sajuppillatsitsisararluni suliaqarnernut attuumassuseqartut sunniutaasinnaasut annikitsumik sakkortussuseqarnissaat tunngavigalugit aalisarnermut ataatsimut isigalugu sunniutaasinnaasut mikisunnguunissaa nalilerneqarpoq.

Sumiiffiit illersorneqartut


Misissuiffisaaq qaninneq Qimusseriarsuup qilalukkanut qernertanut eqqissimatitsiviata killeqarfianiit 40 km-itut ungasitsisigumiippoq.

Qilalukkat illersorneqarnissaat pillugu mianersorfigineqarfissatut piumasarineqartut killeqarfiisa marluk iluini ingerlatsisoqassaaq.

Immap naqqata qatsissortaata sananeqaataanik misissuiffissat ilamerngat Baffinip Ikerani aasisarfiup nalaaniippoq, tamaanilu sikuerneraniit ukiakkut ingerlaalernissaminnut qilalukkat qernertat aasisarfiat eqqissisitaavoq (qilalukkanik qernertanik eqqissimatitsivik I), taannalu juunip aallaqqaataaniit oktoberip 15-ianut eqqissimatitaavoq. Qilalukkat qernertat sajuppillatsitsisararluni misissuinerneq sunnigaanerit pissusilersornermikkut sunnerneqarsinnaanerannut killeqarpoq, aammalu piffik misissuiffiususaaq eqqissimatitsiviup kujammut isuata nalaaniilluni. Taamaammatt eqqissimatitsivimmuut sunniutaasussat killilittut naatsorsuutigineqarput.

Sumiiffiit akuersissuteqarfiusut qilalukkat qernertat sajuppillatsitsinerneq illersorneqarfianni inississimapput, tamatuma ingerlaarfittut isigineqarnera pissutigalugu (qilalukkat qernertat sumiiffiat II). Sumiiffik illersorneqartoq qilalukkat qernertat ukiakkut ingerlaarnerminni najugannaarivaat (aamma qilalukkat qaortat). Qilalukkat qernertat sumiiffianni II-mi sajuppillatsitsisarnerneq ingerlatsineq sapinngisamik annikinnerpaamik ingerlanneqassapput eqqissimatitsinerup nalaani (15. oktober minnerpaamik 1. december tikillugu).

Sumiiffimmi misissuineq aamma piffisaaq eqqissimatitsiviusoq qaleriinngimmata sumiiffinnut illersorneqartunut tunngatillugu sunniuteqannginnissaa nalilerneqarpoq.



Takussutissaq 3-2: Sumiiffiit illersorneqartut pingaaruteqartullu akuersissuteqarfinni akuersissuteqarfiillu eqqaanni.

Pilersaarutaanatik pisinnaasut

Sumiiffinni misissuinermut pilersaarutigineqartumut ilaapput sajuppillatsitsisaruni ingerlatsinerit aamma misissugassanik katersuinerit. Pisunut pilersaarutaanngitsunut ilaapput piarinaatsoorluni maangaannartoornerit aamma misissugassanik katersuinerup ingerlanneqarnerani atortunik annaasaqarnerit. Pinngitsoortitsiniarluni iliuitsit aamma pilersaarutit piareersimatinneqariissapput sumiiffimmi misissuiffiup ingerlanerani orsussamik sumilluunniit maangaannartitsineq pinaveersaarniarlugu imaluunniit piarinaatsoorluni allanik susoqarsinnaanera pinngitsoortinniarlugit. Ilimaginnisarluinnarmik maangaannartitsisoqassagaluarpat taava tamatuma kingunerisassai annikillisarneqassapput umiarsuarmi uuliamik mingutsitsinermi upalungaarsimanissamut pilersaarut malillugu.

Orsussamik (umiarsuarnut gasuulia) maangaannartitsisinnaanermut takorloorneqarsinnaasut marluusut nalilersorneqarput. Tamatumani tunngavigineqarluni ajornerpaasumik pisoqarsinnaanera (umiarsuup orsussaminik tamarmiusumik annaasaqarnera, umiarsuaq umiarsuarmut allamut imaluunniit ilulissamut apornermi kingorna) orsussap taamatut annaaneqarsinnaasup immap qaavani nungukkiartornera ullunik arlaqanngitsunnguaniit sapaatip akunneranut ataatsimut sivilissuseqatussa.

Uumasut pingaarnert sumiiffimmi akuersissuteqarfiusumi orsussamik sunnerneqarnissamut navianartorsiornerpaasut tassaapput nannut, taakku amiata oqorsaataanera annikillisinneqarsinnaavoq. Taamatuttaaq ipput imaani timmissat, taakku meqqui uuliamik ajoquserneqarsinnaapput imermik pitarneqarsinnaannginnerat annikillisinneqarluni puttasinnaassusiallu sunnerlugu.

Uuliakoornertup sivikitsuinnarmik immap qaavaniissinnaanera pissutaalluni uumasunut sunniuteqarsinnaanerata pinsinnaanera annikitsuuvoq, sumiiffiit akuersissuteqarfiusut sinerissamiit 55 kilometerinik avasissuseqarmata taamalu uumasut ikitsuinnaat tamaani siumugassaallutik.

4. AVATANGIISIT PILLUGIT ILIUSISSATUT PILERSAARUT AAMMA ATTAVEQAQATIGIINNEQ

Misissuilluni suliaqarnerniit sunniutaasinnaasussat annikillisarnissaat eqqarsaatigalugu Avatangiisinik Mianerinninnissamut Pilersaarut piareersarneqarsimavoq alapernaarsuinnermut sunniutaasinnaasullu annikillisarnissaannut iliusissanik tunngavilersuisuusoq. Annikillisarnissaannut iliusissat taakku BMP-ip najoqqutassiaanut aamma inatsisinut attuumassuteqartunut naapertuupput pitsaanerullutilluunniit, Avatangiisini Periaaseq Pitsaanerpaaq aamma Teknologi Pissarsiarineqarsinnaasoq Pitsaanerpaaq taakkununga ilaallutik.

Sumiiffinni inoqarfiit peqataalersinnerat suliaqarnissat pilersaarutaasut sioqqullugit, ingerlanneranni kingornalu pissapput, inoqarfinni ernummatit tusaaneqarnissaat qulakkeerniarlugu ajornanngikkaangallu qanoq iliuseqarfialugit.